



Tröc é stà i spetadus rovà adalerch a La Val L'ultim fin dl'edema por le derby ladin, gnü sughé danter la formaziun de cíasa y chëra dla Val Badia. I trëi punç resta in chësc iade a La Val deperpo che i avversars mëss sun jì a mans ötes.

Na partida a chëra che intrames les scuadres se confortâ bele da tröp tēmp. Do da bun trëi agn s'â les dôes formaziuns indo incuntè por se mosoré, in chësc iade a La Val. Le publich é sēnzater gnü recompensè cun en derby plajor, rich de jüch y de beles aziuns da trames les perts. Le gran nervus, prësc trës presēt te partidas tan sintides, ne s'â in chësc iade nia lascè odëi plü cotan. La devēnta é tlera por La Val, che mēt bun trëi iadi le palê te porta avversara.

Da trames perts ne éi nia stè tēmp assà da se studié jö, la defenjiun da La Val impara bel atira dal mēteman a cunēsc i atacanc aversars, che se fej prigorusc dan limit dl'area. Al somēia che le jüch sides tles mans dla Val Badia canche le atacant da La Val Emanuel respogn al gran druch cun le pröm gol: sön le ciantun dl'area de straufunga driblëia chësc dui defensurs, al se fej lerch y cun na trata bassa inaspetada sön le pé lunch de porta portel le vantaje por La Val. Dal atra pert é atira dedò Matthias S. che vëgn sorvì da Romeo C. cun na bela passaja filtranta söl fi de forajüch, por en pulan ne abina nia le atacant le palê, che rōia tles mans al verdaporta Sepl. Püch do é ciamò Romeo al limit dl'area co pro de trà sön porta, le defensur da La Val Marco rōia indere a dërt'ora a deloj le palê te ciantun.



Sciöche tl pröm tēmp toma le secundo gol atira do püc menüc tla secunda fraziun, plö avisa al 50[^]. Le trü dl gol é in chësc iade Alex E. che se chir, al mēt in difoltè le defensur cun n bun control de piet, la trata a bot sigü sön le pé lunch i porta le radopl dl resultat a La Val. Al ne resta nia tröp tēmp por festejé, che bel do 6 menüc pò Alex indo esulté sön n sò gran gol. L'intenziun de Alex é stada de arlungé la cogura a Michi mo sön la crossada sön la crossada töl le palê n'atra direziun: al momēt dla trata é le verdaporta Luca Massa destaché dala linea de porta, insciö ne rōia chësc nia te porta a dërt'ora a tignì sò le lunch palonët, che rōia sot la stangia ite. Gran ligrëza y esultaziun por la doplëta de Alex.

Do le 3 a 0 devēta le jüch de ciasa plötosc defensif, La Val Badia pò insciö avanzè y rōia ince a contlujiun. Le atacant Romeo à sëgn na gran ocajiun sön sò pé, sön na rebatüda dla defenjiun se presentëia le medem a püc metri da porta mo splundra le palê sura fora. A porvè de stlù definitivamēnter la partida é le jonn Marco S. da La Val che manacia: Sön n bel assist de Emanuel vëgn le sógadù a mezciamp menè sù dan Massa, le bel palonët al jore ti fej indere le pulan al pé de porta.

A detè i ritmi de jüch ti ultims menüć é dessigü la Val Badia, al ti garêta de beles combinaziuns y aziuns, mo le mür defensif é ciamò bun cun les ultims forzes y dezijiun de tignì bot. A Alex Felder ti gareta prësc le gol dla bandira, cun n bel stach de će abinel le palê crossè amez mo la cogora passa bel plan dlungia porta ia. Dan la fin é ciamò Emanuel che vëgn desgort dal arbiter por soma de amoniziuns, le verda porta da La Val Sepl mëss inće ti lascè le post a Julian, a gauja de n contrast cun l'atacant Prada.

I önesc de Floriani se salva impò le vantaje cina la fin, che ó ince dî salvé le pröm post de tlassamënt.

La Val - Val Badia: 3 - 0

Formaziun titolara: Sepl Kantioler, Elmar Valentin, Marco Castlunger, Paolo Vallazza, Egon Frenes, Max Nagler, Stefan Sottara, Marco Sottara, Alex Elzenbaumer, Micky Frenes y Emanuel Dorigo.

Alenadù: Floriani Claudio

Sostituziuns:

Adrian Miribung gnü ite impede Michi Frenes (70[^] menüt)

Felix Nagler gnü ite impede Alex Elzenbaumer (75^ menüt)

Martin Ploner gnü ite impede Egon Frenes (80^ menüt)

Manuel Stampfer gnü ite impede Marco Sottara (80^ menüt)

Julian Moling gnü ite impede Sepl Kantolera (85^ menüt)

Por odëi i resultac dles atres partides drüca [RESULTAC](#)







Foto: Ester Elzenbaumer